




Come l'awouteû ki, di s'n' aveûle fau,
 Soye li tène fleûr ossi bèn ki l' deûr tchèrdon,
 Come li fèle bale v'nant fé si ptit trau,
 Sofèle, find lès êrs èt tûwe d' on randon;
Come li mwârt è dragon s'mostère,
Staure li tonwâr au mitan dès djins,
Tape à l' dagne, stind c'k'èle rêscotère,
Di s' tchèt sèré d' sès bladjetès mwins.
 Ritche, vî, djon.ne, bribeû, à s' vwè
 Obèyichenut; dins l' keûr di tèrtos
 L' bièsse plonke sès ongues tot rwèds !
 Èle misbrîdje lès èfants come dès asticots.
Fîr èt paujère aîgue, kand do wôt dès cîs
Vos l' vèyîz sautèler, l' nwâr mouchon,
Avou bèn do mèpris k' vos l' riwêtîz
C'n'èstéve por vos k'on ptit brotchon.
 N'rwêtant nèn aus morus, aus alaumes,
 V'lèyîz-v' aler à braîre po lès pokés, lès batus ?
 Tanawète, i faut lèyî soûde lès laurmes,
 Èt coler sakants gotes po lès disparètus.
 (A l' après d' Baulîre : L' mwârt.)



Faut-i s-têre ? Faut-i fé n'd'aler s' babèye ? Faut-i s'racrapoter ? Faut-i prinde paurti ? Faut-i dire : « ça duvéve ariver » ? Faut-i dire « i n'avîne nèn l' drwèt » ? Faut-i lèyî r'mète di l' ôle ? Faut-i dire « dji n'conè nèn bèn lès djondants èt lès pondants » ? Faut-i, faut-i ? Qwè faut-i dire ? Qwè faut-i fé ? Sèrer lès pougnes ? Sèrer lès ouy ? I gn'arève-t-i dès-intèrêts pus mèrs wôts ki d's-ôtes ? I gn'arève-t-i dès cayets ki mèritent d' bwêrler « Diè l' vout » ? Èsse k'on pout gangnî s' Paradi è tuwant dès inocints ? Faut-i djouwer lès diâles po s' diè ? Parèt-i k'pou din.ner avou l' diâle i faut on lon kilî, faurève p'tête ètou s' sawè priver d' mougnî avou li...

Vos è fyoz-v' si on mache lès moudêyes di sicrijâdjès èt d' walon d' vèci oucobin d' avaurla ? Nèn nos, na.